

IV. OPOSICIÓNS E CONCURSOS**CONSELLERÍA DE CULTURA, EDUCACIÓN, FORMACIÓN PROFESIONAL E UNIVERSIDADES**

ORDE do 8 de xuño de 2022 pola que se convoca concurso de méritos específico entre persoal funcionario de carreira dos corpos docentes que imparten ensinanzas reguladas na Lei orgánica 2/2006, do 3 de maio, de educación, para cubrir postos de persoal docente en prazas sometidas a convenio ou a programas específicos desta consellería.

O Decreto 244/1999, do 29 de xullo, polo que se regula a cobertura de diversas prazas por persoal funcionario público docente que imparte ensinanzas de niveis non universitarios, prevé no seu artigo 3.2 que nos convenios que a Administración educativa estableza con outras administracións públicas, universidades, institucións, entidades ou empresas públicas ou privadas sen ánimo de lucro, para realizar actividades educativas para o desenvolvemento de programas, unidades ou centros, poderá, de ser o caso, determinarse o sistema de cobertura das prazas que poidan resultar necesarias para o seu cumprimento. A provisión das prazas para cubrir pola Consellería de Educación e Ordenación Universitaria realizarase a través dun concurso específico de méritos para a súa provisión mediante nomeamento temporal, con reserva do posto de traballo de orixe, polo período de tempo que se estableza na correspondente convocatoria, que en ningún caso poderá exceder os seis anos.

Así mesmo, o artigo 5 do dito decreto establece que se poden cubrir por este mesmo procedemento aquelas prazas que favorezan a elaboración de proxectos, innovacións curriculares ou metodolóxicas, entre as cales existen prazas de recente implantación ou de difícil cobertura polo procedemento ordinario.

Ao ser necesaria a provisión de distintas prazas por mor dos diversos convenios entre a Administración educativa e distintas institucións ou entidades a que se refire o citado artigo 3 do Decreto 244/1999, do 29 de xullo, e outras incluídas no artigo 5 do dito decreto, e tendo en conta a habilitación que figura na disposición derradeira primeira do mesmo decreto, que autoriza a persoa titular da consellería para ditar as disposicións que sexan precisas para a súa aplicación e desenvolvemento.

A Consellería de Cultura, Educación, Formación Profesional e Universidades

ACORDA:

Artigo 1. *Obxecto*

Convocar un concurso público de méritos específico entre persoal funcionario de carreira dos corpos docentes que impartan ensinanzas reguladas na Lei orgánica 2/2006, do 3



de maio, de educación, para adxudicar en comisión de servizos as prazas que figuran no anexo I desta orde.

Artigo 2. *Participantes e requisitos*

Poderá participar nesta convocatoria o persoal funcionario de carreira e funcionario en prácticas dos corpos docentes que imparten ensinanzas reguladas na Lei orgánica 2/2006, do 3 de maio, de educación, que estea en servizo activo na Comunidade Autónoma de Galicia no curso académico 2021/22 e que estea en posesión do título de perfeccionamento en lingua galega ou do certificado de lingua galega (Celga 4) ou certificación ou validación equivalente.

Enténdese tamén en situación de servizo activo na Comunidade Autónoma de Galicia o 31 de agosto de 2022 aquel persoal docente que desde un destino definitivo da Comunidade Autónoma de Galicia accedeu a un posto docente no estranxeiro e que debe reincorporarse obrigatoriamente a esta comunidade no próximo curso académico.

Así mesmo, tamén poderá participar o persoal funcionario de carreira dos corpos docentes que se atope na situación de excedencia voluntaria concedida pola Consellería de Cultura, Educación, Formación Profesional e Universidades e, se se trata do suposto de excedencia voluntaria por interese particular recollida no artigo 173 da Lei 2/2015, do 29 de abril, de emprego público de Galicia, só poderá participar se ao finalizar o curso escolar en que se realice esta convocatoria tivese transcorrido un ano desde que pasaron a esta situación. Tamén poderá participar o persoal funcionario de carreira dos corpos docentes desta consellería que estea en comisión de servizos fóra desta comunidade autónoma.

Artigo 3. *Solicitudes e documentación*

Aínda que concurse a máis dunha praza, o persoal concursante presentará unha única solicitude axustada ao modelo que figura como anexo II, coa que achegará cuberta a folla de autobaremación que figura como anexo IV e a documentación que se indica no baremo que figura como anexo III para a acreditación dos méritos que alegue. En todo caso, a antigüidade será baremada de oficio pola Administración.

Non terán que presentarse aqueles documentos xustificativos dos méritos alegados que xa figuren no seu expediente persoal no enderezo web <https://www.edu.xunta.es/datospersoais>



No caso de que o persoal participante posúa méritos que non consten no seu expediente ou de que estes sexan incorrectos, deberá xerar unha nova solicitude no enderezo web <https://www.edu.xunta.es/datospersoais> e, xunto cunha copia dos méritos alegados, achegala coa solicitude de participación neste concurso específico.

As persoas concursantes presentarán ademais un proxecto de traballo por cada posto que soliciten, que versará sobre as liñas básicas de actuación para o desenvolvemento das funcións inherentes a cada posto, tendo en conta as características destes, cunha extensión máxima de 20 folios por proxecto.

Artigo 4. *Lugar e prazo de presentación*

O prazo para a presentación de solicitudes para tomar parte nesta convocatoria, dirixidas ao director xeral de Centros e Recursos Humanos, será de cinco días hábiles contados a partir do día seguinte ao da publicación da orde no *Diario Oficial de Galicia* e presentaranse obrigatoriamente por medios electrónicos na sede electrónica da Xunta de Galicia, <https://sede.xunta.gal>, utilizando o formulario PR004A, dispoñible na referida sede electrónica.

Logo de rematado o prazo de presentación de solicitudes e demais documentación, non se admitirá ningunha modificación nas peticións formuladas. Non obstante o anterior, admitirase a renuncia á participación no concurso de méritos específico dentro do prazo de reclamacións á resolución provisional establecido no punto 4 do artigo 6, entendendo que tal renuncia afecta todas as peticións formuladas.

Artigo 5. *Comisión de Selección*

1. A selección das persoas aspirantes será realizada por unha comisión integrada polos seguintes membros:

Presidencia: o director xeral de Centros e Recursos Humanos ou persoa en quen delegue.

Vogalías: ata un máximo de catro vogais, entre persoal funcionario de carreira que ocupe postos de subdirección xeral ou xefatura de servizo da Consellería de Cultura, Educación, Formación Profesional e Universidades, ou membros da inspección educativa, e o director da Área de Solucións Tecnolóxicas Sectoriais da Axencia para a Modernización Tecnolóxica de Galicia ou persoa en quen delegue.



Unha persoa funcionaria da Consellería de Cultura, Educación, Formación Profesional e Universidades, que actuará como secretario ou secretaria, con voz e sen voto.

A Comisión de Selección poderá solicitar a incorporación aos seus traballos de persoas expertas, que se limitarán a prestar a súa colaboración. Ademais, poderá asistir unha persoa representante de cada organización sindical con presenza na Mesa Sectorial Docente non universitaria, con voz e sen voto.

2. A comisión poderá dispoñer a constitución de subcomisións técnicas para colaborar na valoración daqueles méritos e/ou proxectos de traballo que coide pertinentes. Cada un dos sindicatos da Mesa Sectorial Docente poderá nomear unha persoa representante, con voz e sen voto, para a asistencia ás sesións das subcomisións.

3. Para a valoración dos números 1, 2 e 3 do baremo establecido no anexo III, a Comisión de Selección poderá delegar esta función nunha subcomisión formada por persoal funcionario da Dirección Xeral de Centros e Recursos Humanos da Consellería de Cultura, Educación, Formación Profesional e Universidades.

4. Os membros da comisión e, de ser o caso, da subcomisión, estarán suxeitos ás causas de abstención e recusación establecidas nos artigos 23 e 24 da Lei 40/2015, do 1 de outubro, de réxime xurídico do sector público, e terán dereito a percibir asistencias e axudas de custo por concorreren ás sesións, conforme o Decreto 144/2001, do 7 de xuño (DOG do 25 de xuño), modificado polo Decreto 144/2008, do 26 de xuño (DOG do 18 de xullo), e polo Decreto 96/2011, do 5 de maio (DOG do 30 de maio, c. de erros do 1 de xuño), e están cualificadas na categoría primeira.

Artigo 6. *Procedemento de selección e proposta de nomeamento*

1. Todo o persoal aspirante que obteña unha puntuación mínima de 4 puntos no/nos proxecto/s poderá ser convocado pola Comisión de Selección á celebración dunha entrevista para mellor apreciar as circunstancias que concorren neles, e que versará sobre o proxecto ou proxectos presentados.

2. O persoal aspirante que non acade unha puntuación mínima de 4 puntos no correspondente proxecto e de 4 puntos na entrevista, no caso de ter lugar, non poderá ser proposto pola comisión. Será seleccionado o persoal aspirante que, obtendo as puntuacións



mínimas sinaladas, acade as maiores puntuacións no total dos puntos recollidos no baremo establecido no anexo III para a praza que solicita.

3. No caso de producirse empates no total das puntuacións outorgadas, estes resolveranse atendendo sucesivamente e por esta orde á maior puntuación nos números 1, 3 e 2.

4. Logo de realizada a valoración pola comisión, publicarase no portal da Consellería de Cultura, Educación, Formación Profesional e Universidades, <http://www.edu.xunta.gal/>, a relación provisional de persoas admitidas co baremo provisional dos méritos e a relación provisional de persoas excluídas con indicación da causa da súa exclusión. Contra a relación provisional de persoas admitidas co baremo provisional e a relación provisional de persoas excluídas, as persoas interesadas poderán formular as reclamacións que consideren, no prazo de tres días hábiles contados dende o seguinte ao da súa publicación, e presentaranse obrigatoriamente por medios electrónicos na sede electrónica da Xunta de Galicia, <https://sede.xunta.gal>, utilizando o formulario PR004A, dispoñible na referida sede electrónica. As reclamacións entenderanse resoltas e notificadas mediante a publicación da resolución definitiva.

5. Rematado o prazo de reclamacións previsto no punto anterior e revisadas as presentadas polas persoas interesadas, a Comisión de Selección emitirá unha proposta de nomeamento dirixida ao conselleiro de Cultura, Educación, Formación Profesional e Universidades.

Artigo 7. *Resolución da convocatoria*

A Consellería de Cultura, Educación, Formación Profesional e Universidades publicará no *Diario Oficial de Galicia* (DOG) e no portal da consellería, <http://www.edu.xunta.gal/>, a resolución definitiva do concurso. Contra a resolución da convocatoria, que pon fin á vía administrativa, as persoas interesadas poderán formular con carácter potestativo recurso de reposición ante o conselleiro de Cultura, Educación, Formación Profesional e Universidades, no prazo dun mes contado desde o día seguinte ao da súa publicación no DOG, de conformidade co establecido na Lei 39/2015, do 1 de outubro, do procedemento administrativo común das administracións públicas, ou ben directamente recurso contencioso-administrativo no prazo de dous meses perante o xulgado do contencioso-administrativo que resulte com-



petente, segundo o establecido na Lei 29/1998, do 13 de xullo, reguladora da xurisdición contencioso-administrativa.

Artigo 8. *Toma de posesión*

As persoas seleccionadas deberán incorporarse ás prazas obtidas con data do 1 de setembro do ano 2022 e cesarán no seu destino de procedencia o 31 de agosto do mesmo ano.

As prazas adxudicaranse en réxime de comisión de servizos, por un período dun ano e ata un máximo de seis, e con reserva do posto de traballo de orixe, de acordo co disposto no punto 2 do artigo 3 do Decreto 244/1999, do 29 de xullo.

Disposición adicional

1. Os requisitos para participar nesta convocatoria e os méritos que aleguen as persoas solicitantes deberán estar referidos á data de finalización do prazo de solicitudes.

2. Todos os méritos que xa consten no expediente do persoal participante non terán que ser xustificadas.

3. No que atinxe á antigüidade, non se computarán as fraccións inferiores a un ano.

4. A titulación de grao valorarase como unha titulación de segundo ciclo sempre e cando non sexa a alegada para o ingreso no corpo.

5. As actividades de formación do profesorado realizadas a partir do 23 de maio de 2013 deberán cumprir co establecido na Orde do 14 de maio de 2013 pola que se regula a convocatoria, o recoñecemento, a certificación e o rexistro das actividades de formación permanente do profesorado en Galicia (DOG nº 96, do 22 de maio).

Disposición derradeira

Autorízase a Dirección Xeral de Centros e Recursos Humanos para ditar as disposicións que sexan necesarias para a aplicación e desenvolvemento desta orde.

Santiago de Compostela, 8 de xuño de 2022

Román Rodríguez González
Conselleiro de Cultura, Educación,
Formación Profesional e Universidades



ANEXO I

Nº posto					
1	Escola de especialidades fundamentais da Estación Naval da Graña-Ferrol (A Coruña)				
	Corpo	Código	Especialidade	Código	Nº prazas
	Profesores de ensino secundario	590	FOL	105	1
	Profesores de ensino secundario	590	Navegacións e Instalacións Mariñas	109	2

Nº posto					
2	Escola de especialidades Antonio Escaño-Ferrol (A Coruña)				
	Corpo	Código	Especialidade	Código	Nº prazas
	Profesores de ensino secundario	590	FOL	105	1
	Profesores de ensino secundario	590	Navegacións e Instalacións Mariñas	109	1
	Profesores de ensino secundario	590	Procesos Sanitarios	118	1
	Profesores de ensino secundario	590	Sistemas Electrónicos	124	2
	Profesores técnicos de formación profesional	591	Equipos Electrónicos	202	1
	Profesores técnicos de formación profesional	591	Máquinas, Servizos e Producción	210	1

Nº posto					
3	Convenio: Consellería de Economía, Emprego e Industria				
	Destino: Centro Integrado de Formación Profesional Santiago-Santiago de Compostela				
	Corpo	Código	Especialidade	Código	Nº prazas
	Profesores técnicos de formación profesional	591	Operacións de Producción Agraria	216	1

Nº posto					
4	Convenio: Consellería de Economía, Emprego e Industria				
	Destino: Centro Integrado de Formación Profesional Coia-Vigo				
	Corpo	Código	Especialidade	Código	Nº prazas
	Profesores técnicos de formación profesional	591	Mecanizado e Mantemento de Máquinas	211	1



Nº posto		
5	Programa específico: Consellería de Política Social	
	Destino	Centro Montealegre de Ourense
	Praza	1 praza de mestre/a
	Funcións	Docencia no centro ás persoas internas que, por diversos motivos, non asistan a clase en centros ordinarios. Apoio educativo ás persoas internas que están escolarizadas en centros ordinarios e coordinación cos ditos centros. Apoio educativo ás persoas internas matriculadas en modalidades de educación a distancia.
	Requisitos	Experiencia en educación de adultos e/ou en traballo con persoas con necesidades educativas especiais. Coñecemento de informática en canto á utilización deste tipo de recurso no proceso de ensino-aprendizaxe.
	Observacións	Disponibilidade horaria (xornada partida para adaptarse ás necesidades das persoas internas).

Nº posto		
6	Convenio: Aspanae-A Coruña	
	Destino	Centros Aspanaes. Santiago de Compostela, Culleredo, A Coruña, Ferrol e As Pontes de García Rodríguez
	Prazas	1 praza de mestre/a ou profesorado de ensino secundario
	Funcións	Coordinación educativa dos centros concertados coa Consellería de Cultura, Educación e Universidade e Aspanaes na provincia da Coruña. Traballo en integración social dos/das mozos/as con discapacidade. Actividades axeitadas á súa situación. Realizar e, se é o caso, coordinar as actividades extraescolares dos centros. Traballo en programas de desenvolvemento integral.
	Requisitos	Experiencia en educación especial ou pedagogía terapéutica. Coñecementos sobre autismo e experiencia con nenos/as autistas. Vehículo propio e carné de conducir.
	Observacións	Horario adaptado ás necesidades.

Nº posto		
7	Convenio: Asociación de Pais de Disminuídos Psíquicos-ASPAS	
	Destino	ASPAS: Santiago de Compostela
	Prazas	1 praza de mestre/a
	Funcións	Integración social dos/das mozos/as con discapacidade intelectual. A través do traballo, como terapia fundamental, mellorar a situación persoal e a calidade de vida destas persoas con discapacidade. Actividades axeitadas á súa situación. Realizar e, se é o caso, coordinar as actividades escolares e extraescolares do centro. Traballo en programas de desenvolvemento integral.
	Requisitos	Experiencia en educación especial. Especialista en pedagogía terapéutica ou orientación educativa.
	Observacións	Horario adaptado ás necesidades do centro.



Nº posto		
8	Programa específico: Consellería de Sanidade	
	Destino	Complexo Hospitalario Universitario de Santiago de Compostela
	Prazas	1 praza de mestre/a
	Funcións	Proseguir a formación dos/das nenos/as durante a permanencia no hospital, sen que a actividade docente cause prexuízos ao seu benestar e non obstaculice os tratamentos correspondentes. Manter hábitos de estudo. Coordinación cos centros educativos a que asisten normalmente. Estimular a actividade creativa para evitar o aburrimiento. Dar un carácter positivo e contido formativo ao tempo libre e de lecer no hospital.
	Requisitos	Funcionario/a do corpo de mestres/as.
	Observacións	Horario adaptado ás necesidades do centro.

Nº posto		
9	Asociación para a Formación e Emprego de Xóvenes con Discapacidade (AFEXDI)	
	Destino	AFEXDI: Santiago de Compostela
	Prazas	1 praza de mestre/a
	Funcións	Integración social dos/das mozos/as con discapacidade intelectual. A través do traballo, como terapia fundamental, mellorar a situación persoal e a calidade de vida destas persoas con discapacidade. Actividades axeitadas a esta situación. Realizar e, se é o caso, coordinar todas as actividades escolares e extraescolares do centro. Traballo en programas de desenvolvemento integral.
	Requisitos	Experiencia en educación especial. Especialista en pedagogía terapéutica.
	Observacións	Horario adaptado ás necesidades do centro.

Nº posto		
10	Convenio. Coordinador/a de escolarización de poboación marxinada	
	Destino	Lugo
	Prazas	1 praza para mestre/a
	Funcións	Potenciar a integración escolar do alumnado de poboacións marxinadas. Coordinación cos diferentes centros. Xestións coas familias para conseguir a súa escolarización. Control do absentismo escolar. Potenciación do interculturalismo.
	Requisitos	Persoal funcionario de carreira do corpo de mestres/as que acredite experiencia en programas de integración de minorías, experiencia en educación compensatoria e habilidades de comunicación con poboacións marxinadas.



Nº posto	
11	<p>Amtega: Denominación das prazas: asesor/a Abalar de zona: apoio aos centros docentes na implantación das novas tecnoloxías e servizos educativos segundo o proxecto Abalar</p>
Destino	Amtega. Situados físicamente na Coruña, Ordes, Marín, Lugo
Prazas	4 prazas
Funcións	<p>A función principal é o apoio aos centros docentes na implantación das novas tecnoloxías e servizos educativos segundo o proxecto Abalar. Entre estas cabe destacar:</p> <p>Definición da estratexia na posta á disposición da comunidade educativa de servizos dixitais educativos, seguimento da implantación da dita estratexia e identificación de novas necesidades nese eido.</p> <p>Soporte <i>in situ</i>, asesoramento e formación na instalación e utilización dos servizos dixitais educativos que se lles ofertan aos centros educativos.</p> <p>Definición da estratexia de dotación de infraestrutura informática e de comunicacións aos centros educativos.</p> <p>Asesoramento e soporte técnico <i>in situ</i> á infraestrutura informática e de comunicacións.</p> <p>Apoio e atención aos centros docentes da súa zona con relación a calquera proxecto TIC, aplicación ou sistema informático corporativo implantado ou que se vaia implantar neses centros.</p> <p>Asesoramento sobre as necesidades de formación do persoal dos centros docentes en relación cos servizos dixitais educativos ofertados.</p>
Requisitos	<p>Coñecemento da realidade educativa, social e tecnolóxica dos centros educativos da zona de influencia da asesoría.</p> <p>Coñecemento dos programas, plans e actuacións no ámbito das TIC nos centros educativos.</p> <p>Coñecementos pedagóxicos sobre o aproveitamento das TIC no ámbito educativo.</p> <p>Coñecemento das tecnoloxías da información e da comunicación a nivel usuario avanzado incluída, entre outros, a capacidade de instalar e configurar equipamentos informáticos en rede e os seus dispositivos periféricos.</p> <p>Experiencia en traballo en equipo.</p>



ANEXO II

PROCEDEMENTO	DOCUMENTO
Orde do 8 de xuño de 2022 pola que se convoca concurso de méritos específico entre persoal funcionario de carreira dos corpos docentes que imparten ensinanzas reguladas na Lei orgánica 2/2006, do 3 de maio, de educación, para cubrir postos de persoal docente en prazas sometidas a convenio ou a programas específicos desta consellería.	SOLICITUDE

DATOS DA PERSOA SOLICITANTE						
NOME		PRIMEIRO APELIDO	SEGUNDO APELIDO	NIF		
NACIONALIDADE	DATA DE NACEMENTO	PAÍS DE NACEMENTO	PROVINCIA DE NACEMENTO	CONCELLO DE NACEMENTO		
TIPO	NOME DA VÍA		NÚM.	BLOQUE	ANDAR	PORTA
CÓDIGO POSTAL	PAÍS	PROVINCIA	CONCELLO	LOCALIDADE		
TELÉFONO	TELÉFONO MÓBIL		CORREO ELECTRÓNICO			
CORPO	ESPECIALIDADE		DESTINO CURSO 2021/22			

DECLARACIÓN RESPONSABLE
A persoa solicitante DECLARA:
1. Que son certos todos os datos contidos na solicitude e na documentación achegada.
2. Que a documentación achegada é copia fiel dos orixinais que constan no seu poder.

PRAZAS QUE SOLICITA POR ORDE DE PREFERENCIA		
ORDE PREFERENCIA	DENOMINACIÓN	NÚMERO DE POSTO (segundo o anexo I)

SINATURA DA PERSOA SOLICITANTE
Lugar e data

Dirección Xeral de Centros e Recursos Humanos
 Consellería de Cultura, Educación, Formación Profesional e Universidades

CVE-DOG: q4kpl7u4-thx8-vkd6-4kq8-ok7eiwyrev57



ANEXO III Baremo

Méritos	Puntos	Total puntos máximo	Documentos xustificativos (ver artigo 3)
1. Antigüidade: Por cada ano de servizo como funcionario/a.	0,50 puntos	5 puntos	
2. Méritos académicos: As titulacións, no caso de que non fosen as exixidas con carácter xeral para o ingreso no corpo desde o cal se participa, valoraranse da forma seguinte: (titulacións distintas ás alegadas para ingreso no corpo)		2 puntos	Copia das titulacións alegadas, se é o caso
2.1. Polo título de doutor/a.....	1 punto		
2.2. Titulacións de segundo ciclo: por cada licenciatura, enxeñaría, arquitectura ou títulos declarados legalmente equivalentes.....	0,50 puntos		
2.3. Titulacións de primeiro ciclo: pola segunda diplomatura ou os 3 primeiros cursos dunha licenciatura.....	0,25 puntos		
2.4. Título de grao.....	0,50 puntos		
3. Formación e perfeccionamento:		8 puntos	Copia da documentación alegada, de ser o caso Copia da documentación alegada, de ser o caso
3.1. Actividades de formación superadas. Por actividades superadas que teñan por obxecto o perfeccionamento sobre aspectos científicos e didácticos das especialidades do corpo a que pertenza o participante, ás prazas ou postos a que opte ou relacionadas coa organización escolar ou coas tecnoloxías aplicadas á educación, organizadas polo Ministerio de Educación, as administracións educativas das comunidades autónomas, por institucións sen ánimo de lucro, sempre que as devanditas actividades fosen homologadas ou recoñecidas polas administracións educativas, así como as organizadas polas universidades. Puntuaranse con 0,1000 puntos por cada 10 horas de actividades de formación acreditadas. Para estes efectos sumaranse as horas de todas as actividades, non puntuándose o resto do número de horas inferiores a 10. Cando as actividades veñan expresadas en créditos, entenderase que cada crédito equivale a 10 horas.	Ata 5 puntos		
3.2. Pola impartición das actividades de formación e perfeccionamento indicadas no subpunto 3.1. Puntuarase con 0,1000 puntos por cada 3 horas de actividade de formación acreditadas. Para estes efectos, sumaranse as horas de todas as actividades, non puntuándose o resto de número de horas inferiores a 3. Cando as actividades veñan expresadas en créditos, entenderase que cada crédito equivale a 10 horas.	Ata 3 puntos		
4. Proxecto de traballo: O proxecto de traballo deberá conter os obxectivos, planificación xeral, actividades, xustificación e definición a que corresponde a praza que se solicita (puntuación mínima exixida por esta epígrafe: 4 puntos).	Ata 6 puntos polo proxecto	Ata 6 puntos	Orixinal, cunha extensión máxima de 20 folios
5. Entrevista sobre o proxecto presentado (puntuación mínima exixida por esta epígrafe: 4 puntos).	Ata 6 punto	Ata 6 puntos	



ANEXO IV Folla autobaremación

PRIMEIRO APELIDO

SEGUNDO APELIDO

--	--

NOME

DNI

--	--

Concepto	Puntuacións parciais	Total
1. Antigüidade (máximo 5 puntos).		
Por cada ano de servizo como funcionario/a.....	0,50	
2. Méritos académicos (máximo 2 puntos).		
2.1. Polo título de doutor/a.....	1	
2.2. Titulacións de segundo ciclo.....	0,5	
2.3. Titulacións de primeiro ciclo.....	0,25	
2.4. Título de grao.....	0,50	
3. Formación e perfeccionamento (máximo 8 puntos).		
3.1. Actividades de formación superadas.	5	
<p>Por actividades superadas que teñan por obxecto o perfeccionamento sobre aspectos científicos e didácticos das especialidades do corpo a que pertenza o participante, ás prazas ou postos a que opte ou relacionadas coa organización escolar ou coas tecnoloxías aplicadas á educación, organizadas polo Ministerio de Educación, as administracións educativas das comunidades autónomas, por institucións sen ánimo de lucro, sempre que as devanditas actividades fosen homologadas ou recoñecidas polas administracións educativas, así como as organizadas polas universidades.</p> <p>Puntuaranse con 0,1000 puntos por cada 10 horas de actividades de formación acreditadas. Para estes efectos sumaranse as horas de todas as actividades, non puntuándose o resto do número de horas inferiores a 10. Cando as actividades veñan expresadas en créditos, entenderase que cada crédito equivale a 10 horas.</p>		
3.2. Pola impartición das actividades de formación e perfeccionamento indicadas no subpunto 3.1.	3	
<p>Puntuarase con 0,1000 puntos por cada 3 horas de actividade de formación acreditadas. Para estes efectos, sumaranse as horas de todas as actividades, non puntuándose o resto de número de horas inferiores a 3. Cando as actividades veñan expresadas en créditos, entenderase que cada crédito equivale a 10 horas.</p>		

CVE-DOG: q4kpl7u4-tlx8-vkd6-4kq8-ok7eiwyrev57

